

Jesu Kriste ke borotho bja nnete bja bophelo

Thero mo Johane 6:22-59

Palo ya Beibele: Johane 6:1-21

Temanathero: Johane 6:22-59

Tabataba: Jesu Kriste ke borotho bja nnete bja bophelo

Kantle le borotho – kantle le dijo – ga go kgonagale gore motho a phele. Re badile history ya Jesu ge a be a nea batho ba makgolo a mahlano dijo ka nako e tee. Go le fapha leo le šomago ka go apea dijo matšatšing a lehono go ka be go tšere dilo tše dintši e ka ba dikgwedi tše dintši go beakanya seo. Jesu o dirile seo kantle le dipeakanyo, gomme go a diragala ka tsela ya go loka. Batho ka moka ba be ba maketše, gore di be di lekane! Ka mokgwa wo a dirilego ba be ba sa kgone go hlaloša. Selo se tee ke gore o thomile ka go rapela.

Ka nako eo batho ka moka bao ba bego ba legona ba be ba gopola seo Modimo a se dirilego nakong ye e fetilego. Go be go bonagala e ke Jesu o boeletša mohlolo wa kua lešokeng. Mannah ao a tšwago legodimong! Mohlolo o e bile wa go ba gona megopolong ya meloko ya Bajuda, seo Modimo a se diretšego batho ba gagwe nakong ya go feta. Le ga e re gore, mo mangwalong go bonolo gore botatago Isiraele mehleng ya go feta, bao ba bego ba sepela mo lešokeng ba ipoletše mohlolo o, e be e se batho ba go ba le tumelo ye etletšego. Ba be ba le bokoa mo tumelong. Gomme mannah e be e le sešupo se tšwago go Modimo go ba ruta maatla a gagwe. gore ba tle ba tshepe yena fela. Empa go ile go a ba boima, re tseba seo go tšwa mangwalong, gore ba tshepe Modimo a noši.

Gomme bjale, seo se tšeišago maikutlo gona bjale ke gore re bona mo go Johane history e ipoeletša ka boyona. Go tšwa mo historing ye re ithuta gore batho ba ile ba se fetoge: ba tšwela pele go ba le tumelo ya bokoa. Empa re swanetše go ithuta go tšwa mo go Johane 6 gore Modimo ka nako tšohle ga a fetoge! Le gona mo Modimo o nyaka batho ba gagwe gomme o a ba ruta gore ba tshepe yena.

Temana ya rena e thoma ka letšatši le le latelago letšatši morago ga gore mang le mang a fepiwe ka mohlolo. Go fetile bošego botee fela. Batho ga ba lemoga gore Jesu o fetetše ka thoko yengwe ya lewatle la Galilea. Ga ba bona barutiwa ba tšhela ka leselawatle. Le ga go le bjalo batho ga ba kgona go fihlela Jesu. Gomme ba sepela ka thoko ya lewatle ba nyaka Jesu. Gabotse batho ga se ba bone mohlolo bošegong bjo, ge Jesu a be a sepela godimo ga meetse a eya go leselawatle la barutiwa ba gagwe. bjale batho ba be ba maketše ge ba humana Jesu ka thoko yengwe, empa ka gobane bošegong bjo bo fetilego go be go se leselawatle leo le fetilego mo. Gomme ba mmotsiša ba re: ana o tlile bjang mo, ana o tshetše bjang? Gomme Jesu ka go araba potšišo ya bona a lebeletše gore gobaneng ba mo šetše morago. Lebeleng nyaka e se gobane le bone mohlolo, empa ke gobane le jeele borotho. Bjale le tla go Nna fela go humana se sengwe. Ka nnete, go Nna le tla humana se sengwe. Empa barategi, le se ke la kgotsofala ka pela! Le se ke la tla go Nna la nyaka fela dijo tša lefase. Gobane ke na le tše dintši mo go Nna. Borotho bjola bja mabaane e be e le fela go le tloša tlala. E se dijo tša maleba!

Gobane, bana bešo, Kriste ka boyena ke borotho bja bophelo. Sa mathomo Jesu o nea borotho bjo re bo tsebago. Gobane go boima go theetša Ebangedi o swerwe ke tlala. Bjale Jesu o horisitše mebele ya bona go fetiša. Empa seo go Jesu se be se sa lekana. Kriste ka moragonyana o neelana ka borotho bja bophelo. Gomme o bolela le batho o re: le se ke la tla go Nna le nyaka borotho le hlapi. Ke Nna borotho, borotho bjo bo horišago ka go sa felego. Mo lebakeng la bjale go be go le bonolo go batho gore Jesu ke moruti. Gomme ba botšiša: re swanetše go dira eng, gore re dire mošomo wa Modimo? Gomme Jesu a ba araba a re: Wo ke mošomo wa Modimo, go dumela go Yena eo a nthomilego. Empa karabo yeo ya nyamiša batho. Go bonagala e ke ga ba lemoge go ba

ga ba amogele gore Jesu – yena eo a bolelago le bona – o tšwa go Modimo. Ba botšiša: ke mohlolo ofe wo o tlilego gore nea ona gomme ra kgona go go dumela? Iponagatše, ge o le moporofeta wa Modimo! Ba nyaka seo. Ba tlatša ka gore botatagorena ba jele mannah lešokeng...

Se se be se makatša ka nnete, lebaka la gore ba kgonne go bolela se, moraga ga bošego bo tee bja mohlolo wa letšatši la pele. A se se ka be se ile sa nyamiša Jesu ga kae! E sego ka morago ga letšatši. Ge re sa bone gona ga re dumele. Gomme lešaba la laela la nyaka borotho bjo bongwe. Ba gopotša Jesu ka mannah lešokeng. Ana wa gopola, moruti, lešoka ke lela la go ba le mannah matšatši ohle! Bjale Jesu ana o tlile go dira seo gape lehono?

Bo bohlokwa go bona go sefelepelo ka mo Jesu a laeditšego lešaba. O ile a tšea sebaka seo go hlatsela ka go borotho bja go phela, go hlatsela ka ga yena eo a mo romilego. Ke le botša nnete, ga se Moshe yo a le neilego borotho go tšwa legodimong, empa ke Tate yo a re neago borotho bja nnete go tšwa legodimong. Gabotse mo Jesu o koafatša melawana ya Bajuda ya go dira Moshe modingwana. Moshe ga se modingwana, e be e le mohlanka wa Modimo fela. Ke Modimo fela mo teroneng ya legodimong yo a le neago borotho bja legodimo. Gomme Jesu a tšwela pele: ana go ka le thuša eng ge nka le nea mannah gape? Botatagolena ba jele mannah lešokeng, empa le bona ba robetše. Le hloka seo se fetišago mannah! Gomme Jesu a tšwela pele ka hlokomelo ka nako ya bjale, Tate o le nea borotho bja nnete go tšwa legodimong. Bjo ke borotho bja Modimo, bjo bo theologo go tšwa legodimong, bo neago lefase bophelo. Bana bešo, le swanetše go lemoge gore mo Jesu o bolela ka yena.

Empa le ga go le bjalo Jesu le lešaba la batho ga ba bolele selo sa go swana. Lešaba la batho le be le sa gopola gore Jesu o sa bolela ka mohlolo wa letšatši le le fetilego. Gomme ba re: Morena, re nee ka mehla borotho bjo! Re a kgopela, Morena, boeletša mohlolo!

Gomme bjale Jesu a ba bonolo: aowa, barategi, e sego seo! Ke Nna borotho bja bophelo. Ge o dumela go Nna, o ka se ke wa bowa wa swarwa ke tlala. Ana o dumela se? ke a le botša, ga le dumele le ge le mpona. Jesu o be a bolela ka ga seo bona ba senyakago: sa mathomo bona, gomme o dumele. Etlang, Jesu a re, ana le a mpona, bjale gobaneng le sa dumele? Le bona mešomo ya ka, mehlolo ya Modimo Tate, bjale ka ge mannah a theologile go tšwa go tate lešokeng le nna ke theologile go tšwa go Tate, e sego phetha thato ya ka, empa ya gagwe eo a nthumilego. Gomme ye ka thato ya Tate, gore ke šoma go phološa bao ba lahlegilego. Gore nka se ke ka lahlegelwa ke o tee yo Tate a neele go Yena, empa ke mo tsoše ka letšatši la bofelo. Gore mang le mang yo a lebelelago morwa gomme a dumela go yena, o tlile go ba le bophelo bjo bo sa felego.

Ka mantšu a lešaba la batho le be le sa kgotsofala. Johane or re Bajuda ba ile ba thoma go ngongorega. Ge go bolelwa ka Bajuda mo, ba lebiša kudu go ba etapele ba Bajuda, baFarisei le bamangwalo. Ba be ba gopola gore Jesu ga a na hlomphe. Ana o boletše gore yena o theologile go tšwa legodimong? Ana yo Jesu ga se morwa wa Josefa? Re tseba tatagwe le mmagwe. A ka bolela bjang gore yena o theologile go tšwa legodimong? Gomme bjale ba nyaka gore yena a itlhatše. Go lokile, ge e le gore o bolela therešo, re laetše. Re laetše sešupo go tšwa legodimong!

Mophološi wa rena o boletše ka mokgwa wo go araba se. mo poledišano ya rena re bona go bolelwa ka semoya. Dintlha magareng ga botse le bobbe, go obamela le thatafatšo. Jesu o fihlela bonnete bja taba. Potšitšo ya bo gare go gore: ke mang yo e lego wa Modimo? Ke mang yo a phethago thato ya Tate wa magodimong? Kriste o re laetše gore ga go na phapang go dumela go yena le go dumela go Tate wa legodimong. Ke yena yo a rometšwego ke Tate. Ke motlotšwa wa Modimo, gomme dumelelang bagolo ba Bajuda ba lemoge gore: mang le mang yo a ganetšago motlotšwa wa Modimo, morumiwa wa Modimo, o ganetša Modimo ka boyena! Gomme bjale: mang le mang yo ka nnete a obamelago Modimo, o tlile go tla go Jesu. Jesu o bolela ka moporofeta Jesaya ge a re: 'ba tlile go rutwa ke Modimo ka moka.' (Jes 54:13) Yo ka nnete a obamelago Modimo a ka se be le bothata ka Jesu. Ga go eo a kilego a bona Tate wa legodimong.

Ke yena fela yo a tšwago go Tate yo a mmonego. Gomme bjale ke Nna borotho bja bophelo. Botatagolena ba jele mannah lešokeng, empa ba robetše. Empa ge le dumela go Nna, bjale ka borotho bjo bo phelago, le tlile go phela ka go sa felego. Borotho bjo ke le neago ke mmele wa ka wa bophelo bja lefase.

Re hlaloganya polelo ya Jesu. Mmele wa gagwe go lefase. Mmele wa gagwe mo sefapanong, bophelo bja gagwe bo hlokofoaditšwe ka lebaka la rena. Empa mo go batho seo se be se se bonolo. Ba ile ba thoma go ngangišana magareng ga bona ba re: 'ana monna yo a ka re nea bjang mmele wa gagwe ra o ja?' ana o ra go reng? Go bonagala e ke o ipapetša le kwana ya sehlabelo. Kwana ya monyanya wa Paseka.

Ka nnete, Jesu o tsošitše maikutlo a batho. A eme mo pele ga bona bjalo ka sešupo sa Modimo. Gore batho ba neetšwe go mmona, gomme ka morago ba dumele. Ka morago Jesu o re to Tomase: ba lehlogonolo ke bao ba sa kago ba mpona, empa ba dumela.

Empa bjale go diragetše eng? Ana batho ba be ba kgotsofatšwa ke sešupo? Aowa. Kudu baetapele ba Bajuda ba be ba tshwenyegile. Jesu ga a ka a dira mohlolo o mongwe bjale ka ge ba kgopetše. Go bolela nnete, motho yo a sa nyakego go dumela a ka se ke a dumela le ge mehlolo e ka dirwa. Gomme ka go laela ga bona Jesu ga a ka a boeletša mohlolo wa letšatši le le fetilego. Gabotse mohlolo o e be e le bogato bja go bolela molaetša wa nnete: molaetša ga se wa borotho bja lebakanyana, empa bja borotho bjo bo sa felego, Jesu ka boyena! Bjale kantle le se Jesu ka boyena, a eme mo pele ga bona, ga ba ka ba bona mohlolo o mongwe go bona mohlolo wo: Lentšu la Modimo, Jesu Kriste, Yo a tlišitšego Lentšu la Modimo. Bjalo ka ge Johane a bolela mo kgaolong ya pele ya Ebangedi ya gagwe: e be e le Lentšu la Modimo ka bomotho bja gagwe.

Kriste ke borotho bja nnete bja bophelo. Se ke molaetša wa thero. E thomile ka borotho bjo re bo tsebago letšatši le le fetilego. Kriste o hlokomela gore re humana dijo tše di lekanego borotho bjo re bo tsebago, gore re phele mo lefaseng kantle le tlala. Empa ga go dule go le bjalo. Gobane ga go na taba gore ke dijo tše kae tše o di swerwego letšatši le lengwe o tlile go robala. Batho bao ba humilego ba ka boloka dijo tše dintši mohlomongwe tša lebaka la mengwaga e makgolo e mahlano. Empa seo ga se gore ba tlile go phela mengwaga ye makgolo a mahlano. Borotho bjo re bo tsebago bo šoma gore gopotša. Bo re šupetša go borotho bja nnete. Kriste ke borotho bja bophelo. Yo a dumelago go yena, o humana borotho bja bophela ka lethabo ka go sa felego mo mmušong wa gagwe.

Amene.